

9 januar- Dan sjećanja na početak genocida u Bosni i Hercegovini

jan 9, 2014



Bosansko americki institut za istrazivanje genocida I edukaci

www.baginst.org

Bosansko americki institute za istrazivanje genocida i edukaciju pridružuje se inicijativi Instituta za istraživanje genocida, Kanada da se 9 januar proglasi Danom sjećanja na pocetak genocida u Bosni i Hercegovini i da se svake godine deveti januar u svim gradovima u Sjevernoj Americi gdje postoje bošnjačke organizacije i zajednice organizuju prigodne akademije na kojima će se govoriti o genocidu u Bosni i Hercegovini. Na sastanku održanom 9 januara 2014 godine, Izvrsni odbor BAGI- je donio:

Odluku o proglašenju

9 januar- Dan sjećanja na početak genocida u Bosni i Hercegovini-

1. Devetog januara 1992. godine samozvana Skupština srpskog naroda u Bosni i Hercegovini usvojila je deklaraciju o proglašenju " Srpske Republike Bosne i Hercegovine", koja je bila u suprotnosti sa postojećim Ustavom Republike Bosne i Hercegovine. Time je obilježen početak otvorene političke agresije na Bosnu i Hercegovinu od strane bosanskih Srba, produzene ruke velikosrpskog srbijanskog rezima.

2. Devetog januara počelo je stvaranje genocidne tvorevine na tlu međunarodno priznate države Bosne i Hercegovine. Uslijedila je potom oružana agresija na Bosnu i Hercegovinu i genocid nad Bosnjacima. Formirani su koncentracioni logori smrti za mučnja, silovanja i ubistva. Izvršeno je nasilno protjerivanje Bošnjaka, te uništen veliki broj duhovnih i kulturnih bošnjačkih dobara.

3. Deveti januar obilježava nastanak Republike Srpske kojoj je presudama Međunarodnog krivičnog tribunala za bivšu Jugoslaviju u " slučaju Krstić" i Međunarodnog suda pravde u Hagu od 26 feburara 2007. godine u predmetu " Bosna i Hercegovina protiv Srbije i Crne Gore", sudski dokazana politička i vojna uloga u izvršenju genocida, i legitimno pravo zrtava i svjedoka agresije i genocida na istinu i pravdu.

4. Deveti januar se slavi u Republici Srpskoj kao dan utemeljenja istoimenog entiteta i velicaju se ratni zlocinci- pocinioci genocida, sto u teoriji medjunarodnog prava predstavlja poslednju fazu ovog zlocina- negiranje genocida.

5. Deveti januar proglašavamo Danom sjećanja na početak genocida nad Bosnjacima. Svake godine, na ovaj Dan organizujemo akademiju i druge prigodne aktivnosti i govorimo na temu genocida u BiH.

6, Devetog januara 2014.godine, IO BAGI-ja obiljezio je Dan sjećanja na početak genocida u BiH. Prilog A- Plakat "9 Januar 92".

IO BAGI